



Adresa: **Ul. Grbavička 4**
71000 Sarajevo
<http://www.voda.ba>

tel. +387 33 565-444; 565-400
fax. +387 33 565-423
e – mail: jvp@bih.net.ba; info@voda.ba

Broj: UP-I/25-3-40-158-3/08
Datum: 13.11.2008 godine

«Agencija za vodno područje rijeke Save» Sarajevo rješavajući po zahtjevu «Auto kuća - Smajlović» d.o.o. Srebrenik za izdavanje vodne dozvole za ispuštanje tehnoloških otpadnih voda poslovnog objekta (salon automobila) i servisa automobila «Toyota» u naselju Šiški Brod općina Tuzla, na osnovu člana 139. stav 1. Zakona o vodama («Službene novine Federacije BiH», broj 70/06), i člana 200. Zakona o upravnom postupku («Službene novine Federacije BiH», broj 2/98 i 49/99), donosi

RJEŠENJE **o vodnoj dozvoli**

1. Daje se vodna dozvola «Auto kuća - Smajlović» d.o.o. Srebrenik za ispuštanje tehnoloških otpadnih voda poslovnog objekta (salon automobila) i servisa automobila «Toyota» u naselju Šiški Brod općina Tuzla, na zemljištu označenom kao k.č. br. 307/3 K.O. Plane.
2. Vodna dozvola se daje na osnovu činjeničnog stanja i pod slijedećim uslovima:
 - 2.1. Da se upotreba i iskorištavanje poslovnog objekta vrši u skladu sa izrađenom investiciono tehničkom i drugom dokumentacijom, koja je služila kao podloga za davanje ove vodne dozvole.
 - 2.2. Da investitor, odnosno korisnik poslovnog objekta za svo vrijeme trajanja ove vodne dozvole obezbjeđuje da se zauljene vode sa manipulativnih površina poslovnog objekta nesmetano sakupljaju i odvoje u separator ulja, a poslije separatora, prečišćene vode upuste u otvoreni saobraćajni kanal - prijemnik.
 - 2.3. Investitor, odnosno korisnik objekta je obavezan da izgrađene objekte, a čija svrha je odvođenje i prečišćavanje onečišćenih voda (objekti za zaštitu voda od zagađivanja: separator ulja, slivnici i rešetke, kanalizaciona mreža), redovno održava i koristi na način koji će obezbijediti njihovu potpunu ispravnost i funkcionalnost. Sadržaj separatora ulja se treba redovno kontrolisati i vršiti njegovo čišćenje i pražnjenje od ovlaštene firme, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja, izdvojenim naftnim derivatima i taloga iz separatora ulja.
 - 2.4. Investitor odnosno korisnik objekta treba da prije ispuštanja otpadnih voda u prijemnik, zadovolji uvjete za ispuštanje u površinske vode propisane u članu 3. Pravilnika o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno drugi prijemnik («Službene novine Federacije BiH», broj 50/07).
 - 2.5. Kontrola kvaliteta ispuštene vode u prijemnik vršit će se u oknu za monitoring, koje se nalazi u šahtu nakon separatora, a prije ispusta u prijemnik.
 - 2.6. Vlasnik, odnosno korisnik objekta treba tokom godine da obezbijedi minimalno četiri uzorkovanja otpadnih voda iz okna za monitoring, shodno članu 9. i 11. Pravilnika o graničnim vrijednostima opasnih i štetnih materija za tehnološke otpadne vode prije njihovog ispuštanja u sistem javne kanalizacije odnosno drugi prijemnik («Službene novine Federacije BiH», broj 50/07).

3. Korisnik objekta je obavezan da redovno plaća posebne vodne naknade za korištenje voda i za zaštitu voda u skladu sa propisima.
4. Ova vodna dozvola, shodno članu 117. stav 1. Zakona o vodama («Službene novine Federacije BiH», broj 70/06) se daje sa rokom važenja od **pet godina** od dana izdavanja ovog rješenja, odnosno ova vodna dozvola vrijedi do 13.11.2014. godine.
5. U periodu važenja ove dozvole «Auto kuća - Smajlović» d.o.o. Srebrenik je dužan provoditi sve mjere i aktivnosti propisane ovom dozvolom.
6. Ukoliko radom predmetnog poslovnog objekta dođe do šteta ma kakvog karaktera, Investitor je dužan uzroke nastalih šteta otkloniti, a nastale štete trećim licima nadoknaditi.
7. Prava stečena po ovoj vodnoj dozvoli ne mogu se prenositi na treća lica bez prethodne saglasnosti ove Agencije.
8. U ovoj upravnoj stvari plaćene su sve upravne pristojbe.
9. Prije isteka važnosti ove vodne dozvole Investitor – korisnik objekta je dužan da zatraži njeno produženje ili podnese zahtjev za izdavanje nove vodne dozvole.

Obrazloženje

«Auto kuća - Smajlović» d.o.o. Srebrenik se pismenim zahtjevom od 05.11.2008. godine obratilo ovoj Agenciji tražeći izdavanje vodne dozvole za ispuštanje tehnoloških otpadnih voda poslovnog objekta (salon automobila) i servisa automobila «Toyota» u naselju Šiški Brod općina Tuzla, na zemljištu označenom kao k.č. br. 307/3 K.O. Plane.

U provedenom postupku dostavljena je i pregledana sljedeća dokumentacija:

- Punomoć broj: 021/08 od 04.11.2008. godine, kojom se daje punomoć g-dinu Selim Muratović da zastupa firmu «Auto kuća - Smajlović» d.o.o. Srebrenik prilikom predavanja Zahtjeva za izdavanje vodne dozvole.
- Vodoprivredna saglasnost broj: 17-25-6604 od 18.06.2007. godine izdata od strane Službe za razvoj i poduzetništvo općine Tuzla.
- Ovjerenu kopiju rješenja o upisu u sudski registar.
- Ovjerenu kopiju uvjerenja o poreskoj registraciji od 26.11.2002. godine izdata od strane Porezna uprava – Kantonalni ured Tuzla.
- Ovjerena kopija uvjerenja o registraciji/upisu u Jedinostveni registar obveznika indirektnih poreza broj: 04/1-UPJR/1-5353-2/07 od 10.07.2007. godine izdato od strane Uprava za indirektno-neizravno oporezivanje Banja Luka.
- Kopija rješenja o urbanističkoj saglasnosti broj: 06/10-23-002603/06 od 09.10.2006. godine izdato od strane Službe za prostorno uređenje i zaštitu okoline Tuzla.
- Kopija rješenja o izdavanju odobrenja za gradnju broj: 06/10-23-006805/07 od 04.07.2007. godine izdata od strane Službe za prostorno uređenje i zaštitu okoline Tuzla.
- Saglasnost Javno komunalnog preduzeća Tuzla za priključenje na vodovodnu i kanizacionu mrežu poslovnog objekta (servis i salon automobila) u Šićkom Brodu u Tuzli broj: 957/08-1 od 04.09.2008. godine.
- Glavni projekat za izvođenje radova na izgradnji vodovoda, kanalizacije i ppz poslovnog objekta servis i salon automobila Toyota u Tuzli, investitora «Auto kuća

Smajlović» d.o.o. Srebrenik, urađen od strane d.o.o. «GROPIUS» Tuzla, maja 2007. godine.

- Projekat izvedenog stanja «Servis i salon automobila Toyota» u Tuzli, investitora «Auto kuća Smajlović» d.o.o. Srebrenik, urađen od strane d.o.o. «GROPIUS» Tuzla, septembra 2008. godine.

Nakon pregleda dostavljene dokumentacije, u skladu sa članom 21. stav 5 Pravilnika o sadržaju, obliku, uvjetima, i načinu izdavanja i čuvanja vodnih akata («Službene novine Federacije BiH», br.06/08), izvršen je obilazak predmetne lokacije i tom prilikom sačinjen zapisnik o uviđaju broj: UP-I/25-3-40-158-2/08 od 06.11.2008. godine i konstatovano da je raspoloživa dokumentacija i izvedeni infrastrukturni objekti uz salon i servis automobila «Toyota», a koji se odnose na korištenje i zaštitu voda od zagađivanja, urađena i izvedena u skladu sa zahtjevima sektora voda.

Vlasnik odnosno korisnik objekta je obavezan vršiti plaćanje posebne vodne naknade za ispuštanje otpadne vode u skladu sa Zakonom o vodama («Službene novine Federacije BiH» broj 70/06) i Pravilnik o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH» broj 92/07).

Na osnovu provedenog postupka konstatujemo da je Investitor stekao uslove za izdavanje vodne dozvole, kako je to regulisano članom 115. do člana 118. Zakona o vodama («Službene novine Federacije BiH», broj 70/06) i članom 21. i 22. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 6/08), na osnovu čega je i rješeno kao u dispozitivu ovog rješenja.

Podnosilac zahtjeva je, na ime izdavanja ovog vodnog akta, izvršio uplatu iz federalne pristojbe iz tar. br. 43. Zakona o federalnim upravnim pristojbama i Tarife federalnih upravnih pristojbi («Službene novine Federacije BiH», br. 6/98 i 8/00).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

S poštovanjem,

**Po ovlaštenju
Rukovodilac sektora za
izdavanje vodnih akata**

Nedžad Vilić, dipl.inž.građ.

Dostaviti:

- «Auto kuća - Smajlović» d.o.o. Srebrenik, Previle bb 75357 Tinja, Srebrenik
- Federalno ministarstvo poljoprivrede vodoprivrede i šumarstva, Sarajevo
- FU za insp. poslove, vodna inspekcija
- AVP Sava, ISV-vodna knjiga
- Sektor 50
- Sektor 40-arhiva